


Bahagian Penyelidikan, Jaringan Industri, Masyarakat & Alumni UiTM Cawangan Pulau Pinang telah mengadakan satu siri Bengkel Penulisan pada 21-22 Disember 2020. Bengkel ini telah dianjurkan oleh Unit Penerbitan di mana ianya menerima penyertaan daripada 30 orang peserta di kalangan pensyarah. Bengkel ini diadakan secara bersemuka selama dua hari dari pukul 8 pagi sehingga 5 petang. Oleh sebab itu penyertaan terpaksa dihadkan mengikut SOP Covid-19 bersesuaian dengan keluasan bilik seminar.

Apa yang menariknya, bengkel ini telah menjemput penceramah dari luar UiTM iaitu Professor Ir. Dr. Shahrum Bin Abdullah dari Fakulti Kejuruteraan dan Alam Bina, Universiti Kebangsaan Malaysia (UKM). Beliau merupakan seorang Professor yang mempunyai pengalaman yang banyak dan luas dari segi penulisan dalam menghasilkan jurnal yang berkualiti tinggi dan diiktiraf. Beliau telah menerbitkan lebih dari 400 makalah dalam jurnal dan juga prosiding persidangan. Beliau juga telah terlibat dalam menguruskan persidangan antarabangsa di dalam dan luar negara sebagai Ketua Persidangan, Ahli Jawatan Kuasa Penganjuran, Ahli Jawatan Kuasa Penasihat dan macam-macam lagi. Beliau juga sering diundang sebagai Keynote Speaker dalam pelbagai persidangan di dalam mahupun di luar negara.

Oleh sebab itu, bengkel ini dimulakan dengan satu sesi motivasi di slot pagi hari pertama yang disampaikan oleh beliau bertujuan untuk memberi inspirasi kepada semua peserta dalam perjalanan menulis jurnal. Motivasi itu bertajuk “Your limitation—it’s only your imagination”. Beliau telah mengupas dengan baik tajuk motivasi itu bagi menaikkan semangat peserta untuk menulis dengan lebih baik. Memandangkan ianya merupakan slot motivasi, sesi ini telah dipancarkan secara lansung melalui platform Facebook Bahagian PJIMA UiTM CPP. Paparan secara live streaming ini juga mendapat sambutan yang amat menggalakkan di mana menerima hampir 100 orang penonton.

Walau bagaimanapun, slot sebelah petang dan hari kedua diteruskan secara bersemuka sahaja. Slot petang hari kedua bertajuk “Bedah Artikel” dan slot hari kedua bertajuk “Penilaian Artikel”. Penceramah menyampaikan pengisian yang baik sepanjang bengkel sebagai contoh beliau menceritakan teknik-teknik penulisan, cara menawan hati pembaca, kaedah penyusunan kata dalam artikel, dan sebagainya.

Secara keseluruhan program berjalan dengan lancar dan kesemua peserta telah menerima sijil kehadiran. Terima kasih diucapkan kepada Pengarah Program, Dr. Salina Alias, Penolong Pengarah Program Prof. Madya Dr. Noorsuhada Md Nor dan semua ahli jawatankuasa yang terlibat secara langsung dan tidak langsung dalam menjayakan program ini.



Gambar 1: Penceramah menyampaikan ceramah



Gambar 2: Ketika sesi bengkel berlangsung



Gambar 3: Bergambar kenangan di akhir program